

Pesilat tunjuk ketangkasan

14 SEP 1988

KEPINGAN-KEPINGAN batu dipecahkan dengan satu tendangan. Kemudian, dengan satu hentakan tangan, batu yang disusun tinggi terbelah dua (lihat gambar).

Tidak cukup di situ, para pesilat Seni Gayong Perwanit juga bertarung menentang lawan dengan bersenjatakan parang, tali dan keris.

Begitulah ketangkasan yang ditunjukkan oleh para pesilat dari Balai Rakyat Cheng San dalam majlis penyampaian ijazah Ahad lalu.

Di bawah pimpinan guru mereka, Encik Buang Bahar, seramai 37 pesilat berjaya menamatkan kursus asas jurusan silat selama enam bulan.

Menteri Buruh, Encik Lee Yock Suan, selaku tetamu terhormat malam itu, menyampaikan sijil dan bengkung kepada para pesilat.

Menurut seorang pegawai balai rakyat itu, Cik Halimah Ismail, pencak silat adalah kegiatan Melayu utama di situ.

Katanya lagi, para pesilat akan menyertai pertandingan peringkat nasional dan balai rakyat kelak.



Silat

14 SEP 1988

■ **JAWATANKUASA** Penduduk (RC) Zon 3 Tampines akan menganjurkan kelas silat Perguruan Silat Sunda Pejajaran mulai 12 Oktober.

Kelas diadakan di lapangan antara Blok 233 dengan Blok 238 Tampines Street 21 setiap Rabu dari 8 hingga 10 malam. Bayaran \$5 sebulan dikenakan.

Daftarkan diri di Pusat RC Blok 232 Tampines #01-369, antara Isnin dengan Jumaat dari 8 hingga 10 malam.

Untuk keterangan lanjut, ☎ 7828953 atau 7835790.